

**NUTAAQ**

Inatsisissatut siunnersuutip oqaaseqaatitaasalu 20. oktober 2011-meersut taartaat  
(*Atuutilerfissaata il.il. allanngorneri*)

**Uunga siunnersuut: Akileraaruserinermik ingerlatsineq pillugu Inatsisartut inatsisaata allanngortinneqarneranik Inatsisartut inatsisaat**  
(Akileraarutit sippuutaannit ilanngaassisinnaaneq pillugu erseqqissaaneq)

**§ 1**

Akileraaruserinermik ingerlatsineq pillugu Inatsisartut inatsisaat nr. 11, 2. november 2006-i-meersoq, Inatsisartut inatsisaatigut nr. 2, 8. maj 2010-meersukkut kingullermik allanngortinneqartoq imatut allannguuteqartinneqarpoq:

1. § 25-mi imm. 7-itut ilanngunneqarpoq:

"Imm. 7. Akileraarutit sippuutaannik utertitsinnginnermi makkununnga akiligassaajunnartut utertitassanit ilanngaatigineqassapput:

- 1) aningaasarsianit akileraarutit,
- 2) akitsuutit Namminersorlutik Oqartussat pisasaat,
- 3) aningaasarsianit akileraarutinut tunngatillugu tapiliussat, ernialiussat aamma akiliisitsissutit il.il,
- 4) akiligassat allat Namminersorlutik Oqartussat pisasaat."

Imm. 7 taamaalilluni imm. 8-nngorpoq.

**§ 2**

Inatsisartut inatsisaat 1. december 2011-mi atuutilissaaq.

*Namminersorlutik Oqartussat, ulloq xx. xxxx 2011*

Kuupik Kleist